



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 59. De Appr. Discipulis dum piscare[n]tur facta.


[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

MEDITATIONVM: 361

5. Tunc Thomas factus est fidelis, & confessus est Christum, quando misit manum & tetigit latus eius: Ita nunquam fides erit perfecta, si non opere compleamus id quod mente credimus.

6. *Quia me vidisti*, dicit Christus Thomæ, *credidisti, beati illi qui non viderunt, & crediderunt*. Illi facile seruiunt Christo, quibus ipse dat consolationes spirituales; at seruire ei sine consolatione, vt est res maioris difficultatis, ita etiam est maioris meriti, & beatitudinis in cælo amplioris.

7. In vitæ exordio, Christus veniens in *Luc. 2.* mundum pacem attulit, sicut dixit Angelus pastoribus; in exitu item, iam, iamq; a nobis abiturus nobis pacem reliquit, vt intelligeremus totam vitam & perfectionem hominis Christiani, in pace & charitate consistere.



MEDITATIO LIX.

APPARET DISCIPVLIS

DVM PISCANTVR.

PVNCTA MEDITATIONIS.

I. *Palam se denuò fecit Christus piscantibus septem discipulis tota nocte frustra.* *Ioan. 21.*

II. *Per miraculum agnoscens eum Ioannes, ait Petro: Dominus est, &c.*

¶

qui con-

qui confestim desiliens in mare, ad Christum accessit.

III. Dedit eis, vt comederent panem & piscem. Postea Petro, an se diligeret, ter interrogando, suum ouile commendauit: Pasce oues meas &c.

P R O P H E T I A.

Ezech. 47 **A**qua autem descendebant in latus templi dextrum ad meridiem altaris, (de quibus aquis paulo inferius subiungit) & erunt pisces multi satis, postquam uenerint illuc aqua ista, & sanabuntur & uiuent omnia, ad qua uenerit torrens. Et stabunt super illa piscatores, ab Engaddi usque ad Engallim siccatio sagenarum erit: plurima species erunt piscium eius sicut pisces maris magni, multitudinis nimia.

D O C U M E N T A.

I. **P**etrus postquam fuisset uocatus ad Apostolatam redijt ad artem piscandi: sed non & Mattheus ad telonium. Ex quo discamus licet eas artes, quæ in mundo non possunt exerceri absque peccato, post conuersionem, à nemine exercendas; illas uero, quas licite exercet quispiam in saeculo, potest etiam in religione licite & cum merito exercere.

2. Di.

2. Discipuli piscantes noctu, nihil ceperunt. Illi nocte piscantur, & nihil capiunt, qui opera bona exercent in statu peccati mortalis, nam illa opera quantacumque sint, non merentur premium vitæ aeternæ. Præterea illi nocte piscantur, & sine fructu, qui impendunt suos labores, & totam vitam in famulatu mundi.

3. Christo roganti an haberent aliquem piscem quem comederet, responderunt Apostoli: non. Cibus quem Dominus à nobis petit, est obedientia suorum mandatorum, quibus omnes obligamur, quem cum non habent, nec Christo dare possunt, qui piscantur in nocte peccati, sed illi soli qui piscantur in luce gratiæ.

4. Cum Apostoli laborassent tota nocte frustra, tandem mittentes rete in eam partem quam CHRISTVS indicabat, ceperunt magnam multitudinem piscum. Mirabilis est obedientiæ vis, quippe quæ efficiat, ut opera, quæ à nobis facta sunt propria voluntate parum aut nihil mereantur, quæ vero ex obedientia, sint inæstimabilis meriti.

5. Per Apostolos piscantes significantur Prædicatores: rete est verbum Dei, pisces sunt peccatores: dextrum latus, est pars spiritualis, sinistrum autem temporalis. Illi ergo, qui prædicant verbum Dei, ut placeant hominibus, & qui querunt propriam gloriam & aliquod commodum temporale piscantur ad latus sinistrum, & ideo nullum faciunt fructum, sed illi qui suis concionibus & laboribus propositam solam habent gloriam Dei, & salutem animarum, reportant fructum copiosum.

6. Ioannes primus omnium cognouit Christum, & dixit Petro, *Dominus est*. Illi habent maius lumen, & sunt capaciores cognitionis diuinæ, & rerum spiritualium, qui sunt similes Ioanni, corde scilicet puri, & corpore casti, & incorrupti.

7. Petrus, subito ut cognouit quia Dominus est, misit se in mare: Anima quando non cognoscit aut sapit Deum, amat seipsum, & fugit passionem, sed quam primum aduertit, & gustat quam suavis sit Dominus, in mare tribulationis se coniecit, & desiderat pati & multum laborare ob amorem Dei.

8. Christus non inuitauit Apostolos ad prandium, postquam noctu sine ullo fructu fuissent fatigati; sed cum ipsius dicto obedientes cepissent multos pisces. Dominus non remunerat omnes labores, quos subimus in hoc mundo, sed illos solum, quos ex ipsius obedientia & amore suscipimus.

9. Dominus postquam hi septem discipuli essent piscati, secundum ipsius præscriptum, vocat eos ad prandium, quod ipse parauerat, ut significaret, quod post resurrectionem, illi sint vocandi, & recipiendi ad cœleste conuiuium, qui pleni septiformi gratia Spiritus sancti, fuerint sapius in diuino seruitio fatigati.



MEDITATIO LX.
APPARET DISCIPVLIS
IN MONTE THABOR.

PVNCTA MEDITATIONIS.

Mar. 16 l. Ex mandato Domini abeunt discipuli
in